

کتاب السواد الاعظم

(**) (بسم الله الرحمن الرحيم) (**)

الحمد لله رب العالمين * وصلى الله على سيدنا محمد خاتم النبيين
والمرسلين وعلى آله وصحبه اجمعين (وبعد) رسول الله صلى الله
عليه وسلم حضرت تليزك مذهبندن سوال اول نور ايسه جواب
ويريلور كه مذهبي طريق مستقيم رنتكه رسول الله صلى الله عليه
وسلم حضرت تليز يورد يكه موسانك قومي كندند نصكره يتمش
بر فرقه يه افتراق ايدوب يتمش فرقه سي هلاك اولوب و بر فرقه سي
خلاص اولدي وعيسانك قومي كندند نصكره يتمش ايكي فرقه يه
افتراق ايدوب يتمش بر فرقه سي هلاك اولوب و بر فرقه سي
خلاص اولدي و بنم امتم دخي يقينجق زمانده يتمش اوچ فرقه يه
افتراق ايدوب يتمش ايكي فرقه سي هلاك اولور و بر فرقه سي
خلاص اولور و اصحاب كرام رضوان الله عليهم اجمعين حضرت تليز
سوال يورد يلكه بار رسول الله اول خلاص اولان فرقه كيملدر

رسول الله صلى الله عليه وسلم بیوردی که اصحاب السنه
 والجماعت درود خنی سواد اعظم بود و رسول الله صلى الله عليه
 وسلم حضرت تری بیوردی که بر کمره جماعته بر شرمقداری
 مخالفت ایدر ایه اسلام حلقه سنی بوینندن اخراج ایلدی و دخی
 سواد اعظمک علامتی انسان التمس ایکی خصلت ایله متصف
 اولقد ر* اولکیسی ایمانده شک ایدوب انا مؤمن ان شاء الله دیمیه
 ایکنجیسی جماعت مسلمینه مخالفت ایلیه * اوچنجیسی هر فاجر
 و صالح کسینه نک ارددند نماز قیلسنی حق ییله * دردنجیسی اهل
 قبله دن کسه بی ذنبی سبیلله اول ذنبی مستحل اولد بچه تکفیر ایلیه
 * بشنجیسی اهل قبله دن هر یولک و کوچک کسینه نک جنازه
 نمازنی قیلسنی حق ییله * لتنجیسی تقدیرک خیرنی و شرنی الله
 تعالیدن ییله * یدنجیسی مسلمین اوزرینه من غیر حق سیف ایله
 خروج ایتیه * سکزنجیسی ایکی خفته سفرده و حضرده مسح جائز
 اولدیغنی حق ییله * طقوزنجیسی هر امیرک ارددند بیرام و جمعه
 نمازنی ادا ایلسنی حق ییله * اوننجیسی ایمان واجب تعالینک
 عطاسی اولدیغنی حق ییله * اون برنجیسی عبادک افعالی الله
 تعالینک مخلوقی اولدیغنی حق ییله * اون ایکنجیسی قرآن الله
 تعالینک کلامی اولوب غیر مخلوق اولدیغنی حق ییله
 اون اوچنجیسی قبر عذابنی حق ییله * اون دردنجیسی قبرده منکر
 و نکیرک سؤالی حق ییله * اون بشنجیسی حی اولان کسینه نک
 دعاسی و صدقه سی امواته منفعتی اولدیغنی حق ییله اون
 التنجیسی رسول الله صلى الله عليه وسلم حضرت تری نک شفاعتنی
 حق ییله * اون یدنجیسی رسول الله صلى الله عليه وسلم حضرت تری نک

معراجنی حق بیله * اون سکزنجیسی قیامت کوتنده عمل دقترنی
 او قومسنی حق بیله * اون طقوزنجیسی قیامت کوتنده حسابی
 حق بیله یکرمنجیسی میزانی حق بیله * یکرمی برنجیسی صراطی
 حق بیله * یکرمی ایکنجیسی جنت وجهنم الا ن مخلوق اولوب
 فانی اولیه جتلمنی حق بیله * یکرمی اوچنجیسی الله تعالی قیامت
 کوتنده قولارنی واسطه سنر حساب ایلمسنی حق بیله * یکرمی
 دردنجیسی عشره مبشره بی جنت لکدر دیوشهادت ایلیه * یکرمی
 بشنجیسی رسول الله صلی الله علیه وسلم د نصکره امتک افضل
 ابوبکر الصدیق رضی الله تعالی عنه اولدیغنی و خلافتنی حق بیله
 * یکرمی التنجیسی ابوبکر الصدیق د نصکره امتک افضل عمر بن
 الخطاب رضی الله تعالی عنه اولدیغنی و خلافتنی حق بیله * یکرمی
 یدنجیسی ابوبکر الصدیق و عمر بن الخطاب د نصکره امتک افضل
 عثمان بن عفان رضی الله تعالی عنه اولدیغنی و خلافتنی حق بیله
 یکرمی سکزنجیسی ابوبکر و عمر و عثمان رضی الله تعالی عنهم اجمعین
 حضر تلمند نصکره امتک افضل علی بن ابی طالب رضی الله تعالی
 عنه اولدیغنی و خلافتنی حق بیله * یکرمی طقوزنجیسی رسول الله
 صلی الله علیه وسلم حضر تلمینک اصحابه طعن ایلیه * او توزنجیسی
 واجب تعالی نیک غضبی و رضاسی مخلوقاتک غضبی و رضاسی مثل او
 اولدیغنی حق بیله او توز برنجیسی بلا کیف رؤیه الله تعالی بی حق
 بیله * او توز ایکنجیسی انبیای عظامک مرتبه سنی اولیای کرامک
 مرتبه سندن اعلی اولدیغنی حق بیله * او توز اوچنجیسی اولیای
 کرامک کراستنی حق بیله * او توز دردنجیسی سعید اولان کسنه
 الله تعالی نیک عدلی ایله شقی اولوب و شقی اولان کسنه الله تعالی نیک

فضلی الیه سعید اولدیغنی حق بیلله * اوتوز بشنجیسی انبیای عظامک
 و مؤمنینک عقلاری کفارک عقلارندن اعلی اولدیغنی حق بیلله
 اوتوزالتنجیسی واجب تعالی داتم خالق کل شی اولدیغنی حق بیلله
 اوتوزیدنجیسی واجب تعالی ذاتی الیه عالم وفادر اولدیغنی حق بیلله
 اوتوزسکرتنجیسی واجب تعالینک عذابی جهنمه مذنبینه ذنبی
 مقداری اولدیغنی حق بیلله * اوتوز طقوزنجیسی واجب تعالینک
 فعلی خیر و شر اولدیغنی واجب تعالیدن غیری کسه فهم ایلدیکنی
 حق بیلله * قرقنجیسی مصحف شریفده یازیلان قرآن اولدیغنی حق
 بیلله قرق برنجیسی ایمان حقیقت الیه اولوب مجاز الیه اولدیغنی حق
 بیلله * قرق ایکنجیسی بر مؤمن خصمنی ارضا ایتیموب فوت ایتدیکی
 و قتده قیامت کوتده حسنا تدن اعطا اولنه جغنی حق بیلله قرق
 اوچنجیسی طاعت توفیق الیه معصیت خذلان الیه مساوی اولدیغنی
 حق بیلله * قرق دردننجیسی ایمان جار حتمین اوزره اولدیغنی
 یعنی قلب و لسان اوزره اولدیغنی حق بیلله * قرق بشنجیسی برکسنه
 قلبی الیه الله تعالی بی ییلوب لسانی الیه اقرار ایتدیکه کافر اولدیغنی
 حق بیلله * قرق التنجیسی واجب تعالی بی بر شیشه تشبیه الیه *
 قرق یدنجیسی واجب تعالی به مکان و زمان اثبات الیه * قرق
 سکرنجیسی بعض اوقاتده کسب فرض اولدیغنی حق بیلله * قرق
 طقوزنجیسی ایمان عمله مباین اولدیغنی حق بیلله * اللنجیسی محسن
 الیه مسیتک ایمانی مساوی اولدیغنی حق بیلله * الی برنجیسی بعد
 الموت بوشی حق بیلله * الی ایکنجیسی قیامت کوننی حق بیلله
 الی اوچنجیسی صلا و تر بر سلام الیه اوج رکعت اولدیغنی حق
 بیلله * الی دردننجیسی امامک حدنی قومه حدث اولدیغنی حق

یہ * الہی بشجیسی دورغون اولان آرزودن آبدست جائز
اولدیغنی حق یہ * الہی التجیسی خفلرنی چیقاردقدنصکره
ایاقلرنی غسل ایلمنی حق یہ * الہی یدنجیسی قان وایرن
چیقدقدنصکره اعاده وضوئی حق یہ * الہی سکزنجیسی ایمان
زیاده ونقصان اولدیغنی حق یہ * الہی طقوزنجیسی ابلیس
الله تعالیٰ به عبادت ابتدکی وقته مؤمن اولدیغنی حق یہ *
التمشخی محبیندن محبتی ایچون امر ونهی ساقط اولدیغنی حق
یہ * الشمس برنجیسی الله تعالیٰ رحتندن مأیوس اولتی
کفر اولدیغنی حق یہ * الشمس ایکنجیسی سوء خاتمہ دن
خوف ایلمکدر

(اولکی مسئله)

مؤمن اولان کسسنه به واجب اولان ایمانده شک ایدوب انا مؤمن
ان شاء الله دیمیه بلکه انا مؤمن حقادیه زیرا واجب تعالیٰ بیوردیکه
(انما المؤمنون الذین آمنوا بالله ورسوله ثم لم يرتابوا) یعنی
ایمانلرنده شک ایلدیلمر واجب تعالیٰ خلقی اوچ صنف اوزره ذکر
بیوردی * ای مخالف اولان کسسنه نظر ایت که کندی نفسکی
قنغی صنفده بولورسن ودخی واجب تعالیٰ مؤمنین حقنده
(اولئک هم المؤمنون حقاً) بیوردی و کافر لک حقنده
(اولئک هم الکافرون حقاً) بیوردی ومنافقین حقنده
(ان المنافقین فی الدرك الاسفل من النار) (ومذبذبین بین ذلک
لالی هؤلاء ولالی هؤلاء) اگر سوال اولنور ایسه مؤمن حق
اولان کسسنه جمیع خیراتی و جمیع طاعاتی عمل ایدر جوابنده
دینلور که سنک قول که نظرا مؤمن اولان کسسنه جمیع خیراتی

وجميع طاعات عمل ايلد بچه مؤمن تسميه اولنمز وكذلك سكالازم
 كلور كه بر كافر جميع شره وجميع معاصي به من تكب اولد بچه كافر
 تسميه اولنمز اگر جوابنده كافر تسميه اولنمز ديرسه كافر اولور * زيرا
 واجب تعالى حكايه اوله رقي يورد بيه (ويقولون نؤمن بيغض
 ونكفر بيغض ويريدون ان يتخذوا بين ذلك سبيلا اولئك
 هم الكافرون حقا) يعني واجب تعالى انزال يورد بيه
 آيات كريمه نك بعضه ايمان وبعضه انكار ايدن كسسه لري
 كافر ايله تسميه يوردى * واكر بر كسسه ايمانده انا مؤمن ان شاء الله
 ديواستشنا ايدرسه نظر اولنور يا حالات ماضيه ايله استشنا
 ايدركه كنت مؤمنا امس ان شاء الله تعالى يا خود الان مؤمن
 ديواستشنا ايدركه انا مؤمن الساعة ان شاء الله تعالى يا خود زمان
 آتيده مؤمن ديواستشنا ايدر انا اكون مؤمنا غدا ان شاء الله
 تعالى ديواستشنا جائز در لکن بدعتدر * زير رسول الله صلى الله عليه
 وسلم حضرت لري يورد بيه بر كسسه حقا مؤمن اولد بيه وقتده
 حقا كافر اولور وضحا كدن اسنادى صحيح اوله رقي روايت اولد بيه
 بر كسسه عبد الله بن عباس رضى الله تعالى عنه حضرت تيزندن
 سؤال ايلدى كه يا ابن عباس انا مؤمن حقا ديه لم يا خود انا مؤمن
 ان شاء الله ديه لم عبد الله بن عباس رضى الله تعالى عنه حضرت لري
 جوابنده يورد بيه (نكلك املك انؤمن بالله وبما جاء من عند الله)
 يعنى تو بيج مقامنده سنك الله تعالى به والله تعالى طرفندن
 كلان قرآنه ايمانك وارميد راول كسه دخی نعم وارد ديه جواب
 ويردى بعده عبد الله بن عباس حضرت لري يورد بيه (قل انا
 مؤمن حقا) زيرا واجب تعالى يورد بيه (انما المؤمنون الذين

آمنوا بالله ورسوله ثم لم يرتابوا) یعنی الله تعالى به ورسوله شك
 ابلدیروا کر مخالف اولان کسسه شاء الله صرت مؤمنادیرسه
 بواسطه ثناده فائده یوقدروا کر يشاء الله ان اکون مؤمنادیرسه
 بواسطه ثناده دخی لایق دکادروا کر لم يشاء الله ان اصرت مؤمنادیمشیتنی
 واختیاری دیرسه بو کفر درودخی ایمانک حقیقتی الله تعالی به
 وملائکته به وکتابلرینه ورسولونه وقیامت کوتته واولد کد نصکره
 بعثه و تقدیرلخیری وشری الله تعالی دن اولد یغنه وجنته وجهنمه
 ومیزانه ایمان کتوروب جبرائیل علیه السلام الله تعالی جانبدن
 هر نه کتوردیسه حق ییلوب لسانی ایلد اقرار و قلبی ایلد تصدیق وانا
 مؤمن حقادیوب اصلا شبهه ایلیمه ایمانک حقیقتی بودرای مخالف
 اولان کسسه سن دیرسن که انا مؤمن ان شاء الله تعالی نه شیئ
 استثناء دیرسن یعنی برکسسه فارسی لسانی اوزره خدا هست
 ان شاء الله و سروش هست ان شاء الله و رستخیز بود ان شاء الله
 تعالی دیرسه کافر اولور و فارسی لسانی اوزره جائز اولد یغنی وقتده
 لسان عربیده دخی جائز دکادرو کذلک جمیع احکام شرعیه دخی
 بویله درمئلا برکسسه زوجه سنه انت طالق ان شاء الله یا خود
 عبیدینه انت حر ان شاء الله تعالی یا خود بنم اوزریمه فلان شیئ نذر
 اولسون یا خود بعث یا خود اشتريت ان شاء الله تعالی دیرسه
 احکام شرعیه دن برشی ایجاب ایجاب استثناسی باطل اولور
 و کذلک ایمان دخی استثناسی باطل اولور

ایکینی مسئله

مؤمن اولان کسسه به واجب اولان جماعت مسلمینه مخالفت
 ایتمکدر زیر رسول الله صلی الله علیه وسلم بیوردیکه (لا تجتمع

امتی علی الضلالة فمن فارق جماعة المسلمين ولا يراه حقاً فإنه ضال
 مبتدع) یعنی بنم امتلرم ضلالت اوزره اجتماع ایلزلر و برکسنه
 جماعت مسلمینی حق ییلیوب مفارقت ایدرایسه ضال مبتدع در
 زیر جماعتی حفظ ایتمک رسول الله صلی الله علیه وسلم
 حضرت تلیرتک سنتنک احکامندندر و رسول الله صلی الله علیه
 وسلم حضرت تلیرتک سنتنی حفظ ایتمک فرضدر زیر واجب تعالی
 بیوردیکه (وما آتاکم الرسول فخذوه وما نهاکم عنه فانتهوا)
 (وما ینطق عن الهوی ان هو الا وحی یوحی) یعنی رسول الله
 نه شیئی امر بیوررسه اطاعت ایدک ونهی ایلدیکی شیندن منع
 اولنک ودخی رسول الله کندیتمک مرادی وهواسی ایلد برشی
 نطق ایلدی انجق واجب تعالیتمک وحی وامری ایلد نطق بیوردیلر
 ودخی سندناتی صحیح اوله رق ابن عباس حضرت تلیزدن روایت
 اولندیکه رسول الله صلی الله علیه وسلم حضرت تلی بیوردیکه
 برکسنه جماعت ایلد واجب تعالی ایچون عبادت ایلدیکی وقتده
 اگر اصابت ایدرسه مقبول اولور و اگر خطا ایدرسه الله تعالی
 عفو ایدر و اگر وحدتده عبادت ایدرسه اصابت ایدوب مقبول
 اولمز و اگر خطا ایدرسه معذب اولور بیوردیلر لکن اصابت
 ایلدیکی وقتده مقبولدر فقط فضیلتی ناقص اولور و رسول الله
 صلی الله علیه وسلم حضرت تلی صلواتی جماعت ایلد حفظ ایلدی
 و برکسنه جماعتی واجب و حق ییلزایسه مبتدع در

(اوچنجی مسئله)

مؤمن اولان کسنه به واجب اولان هر صالح و قاجر کسنه تک
 آردنده نماز قیلمنی حق ییلد کدر و اگر حق ییلزسه رافضی اولور

تحقیق تمام مؤمن اولان کسسه به امام صالح اولسون یا خود فاجر
اولسون یا خود زانی اولسون یا خود شارب الخمر اولسون اردنده
نماز قیلمق جائزدر انجق مبتدع و کافرک آردنده نماز جائزدر کلا در
سنداتی صحیح اوله رق محمود الشامیدن روایت اولندیکه مرض
موتده اصحابنه خطاب اوله رق بیوردیکه بن سزله جمیع مسائلی
نقل ایلدم انجق بر حدیث شریفی نقل ایتمدم آنی دخی بو کون سزله
نقل ایده یم رسول الله صلی الله علیه وسلم حضرتلری بیوردیکه
اهل قبله کزی تکفیر ایلمک ولو نگاه بکاتری عمل ایلسونلر وهر میتنه
نماز قیلمق وهر صالح و فاجرک آردنده نماز قیلمق وهر امیر ایله جهاد
قیلمق و بونلری حق بیلمک لازمدر

(در دینی مسئله)

مؤمن اولان کسسه بی واجب اولان اهل قبله دن بر کسسه ذنبی
سببیه اول ذنبی مستحل اولدجه ~~تکفیر~~ ایلمیه مؤمن اولان
کسسه یوز بیک مسلمانیه زنا قیلمسه یا خود یوز بیک مسلمی قتل
ایلمسه یا خود یوز بیک کوب شرابی ایچرسه حلال اعتقاد ایدرک
قیلدیغی وقتده ایماندن خروج ایتمز تنکده بر ~~کافر~~ جمیع خیراتی
و جمیع طاعانی قیلمسه دخی الله تعالی به والله تعالی جانندن کلان
شیئه ایمانی اولدجه کفردن خروج ایتمز و کذلک مؤمن اولان
کسسه جمیع معاصی به هر تنکب اولمسی ایله واجب تعالی به کافر
اولدجه ایماندن خروج ایتمز زیر واجب تعالی مؤمن اولوب فسق
و فجور و معصیت ایله مشغول اولان مؤمنین حقنده بیوردیکه
(یا ایها الذین آمنوا توبوا الی الله توبه نصوحا) (و توبوا الی الله
جمیعاً یا المؤمنون) واجب تعالی به عاصی اولان مؤمنین توبه ایله

خطاب اولندی کافر تسمیه اولندی اگرگاه سببی ایله کافر اولیدی
 الله تعالی کافر تسمیه ایدر ایدی و کذلک حضرت آدم صلوات الله
 علی نبینا وعلیه جنته دخولی وقتنده شجره یه تقر بدن نهی
 اولندی بعده شجره دن اکل ایلدیکی وقتنده واجب تعالی (وعصی
 آدم ربه فغوی) یوردی و کفر آدم ربه یورمدی و اگر عصیان
 سببی ایله انسان کافر اولیدی واجب تعالی و کفر آدم ربه
 یوردی و کذلک هاروت ایله ماروت خری شرب ایدوب و زنایی
 قصد ایلد کبری سببی ایله واجب تعالی یه عاصی اولوب و عذابه
 مستحق اولد قلرنده دنیا تک عذابنی آخرتک عذابنی اوزره اختیار
 ایلدیلر و الحاصله مؤمن اولان کسینه ذنوبی سببیله تکفیر اولغز
 و دخی سنداتی صحیح اوله رق شهد آه بدردن قرق کسینه دن روایت
 اولندیکه و جمله سی اتفاق ایلدیلر که رسول الله صلی الله علیه
 وسلم حضرت نذری یوردیکه یدی شیء هدا یتدندر و اگر بر کسینه
 بویدی شبتدن خروج ایدر سه جماعتدن خروج ایدر و مذکور
 یدی شیئی بیان یوردیکه اهل قبله اوزره کفر و شرک و نفاق ایله
 شهادت ایتیک سرایر لر فی واجب تعالی یه تقویض ایدک و دخی
 اهل قبله دن بر کسینه وفات ایتدیکی وقتنده نمازی ادا ایدک و بوش
 وقت نمازه و جمعه یه حاضر اولک و هر صالح و قاجر امامک اردنده
 نماز قیلک و هر امیر ابله عدو کزه جهاد ایدک و اماملری کزه سیف
 ایله خروج ایلک و لو جائز اولسونلر صلاحی و عافیتی ایله دعا
 ایدک و هو انک جمیع سنندن محاببت ایدک و اول هو انک اولی
 و آخری باطلدر

مؤمن اولان کسنه به واجب اولان کبير وصغير ميتہ جنازه نمازی قیلا قدر اول ميت صالح یا خود فاجر اولسون زیرا رسول الله صلی الله علیه وسلم حضرت تبری اوغلی ابراهیمه صلاۃ جنازه بی ادا بیوردیلر بونده مسلمین بیننده اختلاف یوقدر واکر برکسنه اهل قبله دن وفات ایندیکی وقتده صغیر یا خود کبیر اولسون جنازه نمازی حق ییلوب ادا ایتک واجبدر واکر حق ییلزایسه مبتدع اولور زیرا رسول الله صلی الله علیه وسلم حضرت تبری بیوردیکه (صلوا علی من مات من اهل القبلة) یعنی اهل قبله دن برکسنه وفات ایندیکی وقتده نمازی ادا ایدک بیوردیلر

(انتہی مسئله)

مؤمن اولان کسنه به واجب اولان تقدیرک خیرنی وشرنی الله تعالی دن اولدیغنی حق ییل کدر زیر اجرائیل علیه السلام رسول الله صلی الله علیه وسلم حضرت تبردن ایمانی سوال بیورد قلمزنده رسول الله صلی الله علیه وسلم حضرت تبری ایمانی تفصیل بیان بیوروب و حدیثک آخرنده تقدیرک خیرنی وشرنی الله تعالی دن اولدیغنی بیان بیوردیلر و دخی هیچ برشی الله تعالی نیک قضا سندن غیری موجود اولمز و عید واجب تعالی نیک قضا سنی ازاله ایده من و دخی قضا عبادک فعلنه حجت دکادر و قضا به اعتماد و قضا به انکار کفر در و دخی واجب تعالی نیک قضا سنی رد ایتک و اول قضا به انکار کفر در وایکی امرک بیننده مشی ایلک ایمان حقدور زیرا قدر به طائفه سی الله تعالی نیک قضا سنه انکار لری ایله تکفیر اولندی و جبریه طائفه سی عبودیت فعلنی ترک ایدوب و قضا به اعتماد ایلمر ایله تکفیر اولندی و برکسنه قدر ایله جبرک بیننده سلوک

ایدر سه طریق هدایتده مستقیم اولمش اولور و قدریه نك دعواسی
 خیر و شر عبدك فعاید و واجب تعالینك صنعی ایله دكلدر
 و جبریه نك دعواسی خیر و شر الله تعالینك صنعی ایله در عبدك
 مدخلی یوقدر و بوا یکی فرقه بوا متك مجوسیلریدر زیرا رسول الله
 صلی الله علیه و سلم حضرت تلمی بیوردیکه مؤمن حق اولان
 کسنه نك اعتقادی خیر و شر ك فعلی عیددن اولوب و تقدیری الله
 تعالیدن اولور فعل خیر عبادك افعالی اولوب و عبادك افعالی
 تقدیر الله تعالیدن اولور و دخی جبریه نك دعواسی خیر و شر الله
 تعالیدن اولوب کند و رینی وقت ذنوبده معذور و مجبور کوروب
 و کفار لردخی کفر لرنده معذور لردر و قدریه نك دعواسی خیر و شر
 عبدك فعلی ایله اولوب واجب تعالینك مشیئت ایله دكلدر و بوا یکی
 فرقه تکفیر اولندی زیرا جبریه عبودیتی الله تعالی یه اضافه ایلدیلر
 و قدریه ربوبیتی کند و نفسلرینه اضافه ایلدیلر و مذهب حق اولدر که
 طاعت واجب تعالینك قضاسی و تقدیری و توفیقی و مشیئتی
 و رضاسی و امری ایله در و دخی معصیت واجب تعالینك قضاسی
 و تقدیری و خذلانی ایله در و امری و رضاسی ایله دكلدر و دخی
 واجب تعالینك جمیع احکامی اوج وجه اوزره دربری واجب
 تعالینك مشیئتی و محبتی و امری تعلق ایدر اول اداء فرائضدر
 ایکنجی وجه واجب تعالینك مشیئتی و محبتی تعلق ایدوب و امری
 تعلق ایتز و اول نوافلدر و اوچنجی وجه واجب تعالینك مشیئتی
 تعلق ایدوب و محبتی و امری تعلق ایتز اول معاصیدر و دخی
 واجب تعالینك قضاسی درت وجه اوزره در قضاء طاعت
 و قضاء معصیت و قضاء نعمت و قضاء شدت و بونده مذهب حق

اولدرکه واجب تعالی عبده اطاعت ایله قضا ایلدیکي وقتده عبده
جهد و اخلاص ایله استقبال ایدوب حتی واجب تعالی توفیق
اکرام ایدر زیر او واجب تعالی بیوردیکه (والذین جاهدوا فینا
انهم ینهم سبیلنا) ودخی معصیت ایله قضا ایلدیکي وقتده عبده
استغفار و توبه و ندامت ایله استقبال ایده حتی واجب تعالی
توبه ینی و مغفرتی رزق ایلده ودخی واجب تعالی بیوردیکه (ان الله
یحب التوابین و یحب المتطهرین) ودخی واجب تعالی عبده
نعمت ایله قضا ایلدیکي وقتده عبده لازم اولان شکر و سخاوتدرکه
حتی واجب تعالی زیاده اکرام ایلده زیرا واجب تعالی بیوردیکه
(ان شکرتم لازیدنکم) ودخی شدت ایله قضا ایلدیکي وقتده عبده
لازم اولان صبر و رضا ایله استقبال ایده حتی واجب تعالی آخرتده
کرامتی اعطا ایلده زیرا واجب تعالی بیوردیکه (انما یوفی
الصابرون اجرهم بغير حساب) (والله یحب الصابرين) ودخی
برکسنه معصيته واقع اولدینی وقتده اول کسنه یه لایق اولان
اولدرکه واجب تعالی دن واقع اولان قضایی عدل اعتقاد ایدوب
و کندن دن واقع اولان معصيته راضی اولیوب توبه و استغفار
ایلکدر زیر اقدریه طائفه سی واجب تعالی دن واقع اولان قضایی
عدل اعتقاد ایلدیلر و جبری طائفه سی ملامتی کندولرینه اعتقاد
ایلدیلر و معتزله طائفه سی مغفرتی بغير توبه اعتقاد ایلدیلر و اگر
واجب تعالی دن واقع اولان قضایی عدل ییلورسه مذهب قدریدن
تبراً ایدر زیر او واجب تعالی بیوردیکه (قل کل من عند الله)
و اگر ملامتی کندن دن ییلورسه مذهب جبریدن تبراً ایدر زیر او
واجب تعالی بیوردیکه (ربنا ظلمنا انفسنا و ان لم تغفر لنا

وترجمنا لنكونن من الخاسرين) واکر توبه واستغفار ایدر ایه
معتزله مذهبندن تبرأ ایدر زیر اواجب تعالی بیوردیکه
(استغفروا ربکم انه کان غفارا) واکر برکسنه قضایه ایمانی
اولیوب خیر و شری الله تعالی دن اولدیغنی اعتقاد ایلدیکی
وقته مبتدعدر

بدنجی مسئله

مؤمن اولان کسنه به لایق اولان مسلمان اوزرینه بغیر حق
سیف ایله خروج ایلیه زیر رسول الله صلی الله علیه وسلم
حضر تری بیوردیکه قاتل ایله مقتول هربری صاحبی قصد
ایلدیکی وقته ایکیسی دخی ناردده در وبرکسنه بر مؤمنی
خطا قتل ایلدیکی وقته دینی و کفاری لازم کورودخی برکسنه
متعمدا بر مؤمنی قتل ایلدیکی وقته کافر دکلدر اگر دنیادن
توبه ایله خروج ایدر سه واجب تعالی توبه سنی قبول ایدر واکر
توبه سز خروج ایدر سه واجب تعالی دیلر سه فضلی ایله مغفرت
ایدر و دیلر سه عدلی ایله ذنوبی مقداری عذاب ایدر بعده جهنمن
اخراج ایدوب چته ادخال ایدر واکر برکسنه قاتل جهنمه
مؤبد در دیر سه مبتدعدر زیر ابره مؤمن بر مؤمنی قتلی ایله تکفیر
اولمزودخی جهنمه مؤبد باقی دکلدر جهنمه مؤبد اولان اینجق
کافر لدر

سکرنجی مسئله

مؤمن اولان کسنه به واجب اولان ایکی خفنه مسیحی سفرد
و حضرده حق بیلکدر مسافر ایچون اوچ کون اوچ کیجه
حدث وقتندن جائز اولوب و مقیم ایچون ابدست اولوب مخطری

کید کند نصکره حدث وقتندن برکون وبرکیجه مسح جائز
اولد یغنی حق ییله ودخی مسلمندن غازی ومسافر وفاسق
وقاطع الطریق وغیریلر حقننده حکم مساویدر جمله سی خفله یینه
مسح ایدرلر وچپلاق ایاغه مسح جائز دکادر وبرچپلاق ایاغه
مسحی جائز کوررسه رافضی اولور

طقوزنجی مسئله

مؤمن اولان کسسه به لایق اولان ایکی بیرام وجمعه نمازی
هرامیرلر اردنده قیلسنی حق ییلکدر زیراسلطانه اطاعت
فرضدروسیف ایله خروج وعصیان جائز دکادر اگر عادل اولورسه
اجری کند ونفسنه واکر ظالم اولورسه وزری کند ونفسنه اولور
وهرحاله اطاعت لازمدر زیرابرکسسه سلطانه عاصی اولوب
اطاعت ایلمدیکی وقتده خارجیدر زیرا واجب تعالی یوردیکه
(اطیعوا الله واطیعوا الرسول واولی الامر منه کم)
یعنی السلاطین

اوننجی مسئله

مؤمن اولان کسسه به لایق اولان ایمان واجب تعالینک عطاسی
اولد یغنی حق ییلکدر اگر برکسسه واجب تعالی بکا ایمانی اعطا
بیورمدیجه بن مؤمن اولم دیرسه جبریله اولور جائز دکادر واکر
برکسسه ایمان بنم کند ونفسه مدندر واجب تعالینک عطاسی دکادر
دیرسه اولدخی قدریدر بواعتقاد دخی جائز دکادر تحقیقا ایمان
واجب تعالینک فضلی ورحتی ایله عطاسیدر زیرا واجب تعالی
بیوردیکه (یجتبی الیه من یشاء ویهدی الیه من ینیب) ذلک
فضل الله یؤتیه من یشاء) ولوشئنا لا یناکل نفس هداها

ان نصرکم الله فلا غالب لکم من یمدی الله فهو المهدی
 قل بفضل الله وبرحمته فبذلك فلیفرحوا انک لاتهدی من
 احببت ولكن الله یمدی من یشاء ما کنت تدری ما الکتاب
 ولا الایمان فان یشأ الله یختم علی قلبک ویجھو الله الباطل
 بل الله یمن علی من یشاء بل الله یمن علیکم ان هداکم للایمان
 ان کنتم صادقین والله یمدی من یشاء الی صراط مستقیم
 واکر برکسنه ایمان مخلوقیدر یا خود غیر مخلوقیدر دیرسه
 دلیلنه نظرا و لنور اصل ایمان قلب الیه معرفت و لسانله اقرار
 ایشکدر عبدک فعلی الیه اولانی مخلوقدرو واجب تعالینک صفاتی
 اولانی غیر مخلوقدربعد لا اله الا الله کلمه سنی قائل اولدیغی وقتده
 لسانی تحریک عبدک فعلی وصفی اولوب مخلوق اولور اما واجب
 تعالینک صفاتی اولانی غیر مخلوقدربلکن عبدک قولی و فعلی
 و حرکتی الیه مقولی بیننده فرق واردر قولی و فعلی و حرکتی
 مخلوقدرو مقولی واجب تعالینک صفاتی اولوب غیر مخلوقدرو
 یعنی یوقرآن کریم مثلیدربعدک فعلی اولان قرائت قرآن مخلوقدرو
 و او قودیغی کلام الله واجب تعالینک صفاتی اولوب غیر مخلوق اولور
 و کذلک عبدک اقراری عبدک فعلی اولوب مخلوق اولور و عبدک
 اقرارینه اولان توفیق واجب تعالینک صفاتی اولوب غیر مخلوق
 اولور و دخی معرفت عبدک فعلیدرو تعریف واجب تعالیدندر
 و الحاصل هر شیشکه عبدک فعلی اولورسه مخلوقدرو واجب
 تعالینک صفاتی اولورسه غیر مخلوقدرو زیرا صواب اولان عبد
 جمیع افعالی الیه مخلوقدرو واجب تعالی جمیع صفاتی الیه غیر
 مخلوقدرو

اون برنجی مسئله

مؤمن اولان کسسه به لایق اولان عبادک افعالی مخلوق بیله کدر
 و واجب تعالی جمیع افعالی وصفاتی الیه غیر مخلوقه در * زیرا عبادک
 افعالی قدیم اولیوب واجب تعالی نیک مخلوقه در و عبادک افعالی
 مثلاً صلاة و زکاة و صیام و حج و غیر افعالی مخلوقه در و واجب تعالی
 بیوردیکه (والله خلقکم و ما تعملون) (الله خالق کل شیء)
 (والله علی کل شیء قدیر) و اگر بر کسسه عبادک افعالی مخلوق
 دکا در دیرسه مبتدع در

اون ایکنجی مسئله

مؤمن اولان کسسه به لایق اولان قرآن کریم واجب تعالی نیک
 کلامی اولوب غیر مخلوق اولدیغنی حق بیله کدر * زیرا قرآن کریم
 مجاز الیه اولیوب حقیقه واجب تعالی نیک کلامه در اگر بر کسسه
 قرآن مخلوقه در دیرسه واجب تعالی نیک صفاتی مخلوقه در دیرسه
 مثلاً لیدر بو کفر در * زیرا قرآن کلام الله در و صفتیدر عبد الله
 ابن عمر دن روایت اولندی که رسول الله صلی الله علیه وسلم
 حضرت تری بیوردیکه (من قال ان القرآن مخلوق فهو کافر بالله
 العظيم) ابن عباس حضرت تری ندن سنداتی صحیح اوله رق روایت
 اولندی که بنو رسول الله صلی الله علیه وسلم حضرت تری نیک
 حضورنده قرآنی مذاکره ایدر ایدک رسول الله صلی الله علیه
 وسلم حضرت تری بیوردیکه (سیأتی من امتی فی آخر الزمان اناس
 یقولون القرآن مخلوق) صکره بیوردیکه (لاولکنه کلام الله تعالی
 غرض طری فن قال غیر هذا من امتی کفر بالله و بالقرآن) اسنادی
 ثقات دن اوله رق جعفر بن محمد صادق بابا سندن و مشایخ تری ندن

روایت بیوردی که اهل صنعا و عدنند اقوام اجتماع ایدوب
رسول الله صلی الله علیه وسلم حضرت تزلدن سوال بیوردی که
قرآن واجب تعالینک مخلوقاتند نمیدرد کلیدر رسول الله صلی
الله علیه وسلم حضرت تری جوانده بیوردی که (لاتقولوا هکذا
فانه کفر) ودخی اسنادی صحیح اوله رق ابی یوسف حضرت تزلدن
روایت اولندی که بن ابا حنیفه ایله قرآنک حقنده الی آی مناظره
ایلام بعده اتفاق اولندی که برکسسه قرآنی مخلوق در دیرسه
کافر اولور بیوردی اسنادی صحیح اوله رق مقاتل سهرقندیدن
بیوردی که بن ابا حنیفه رضی الله تعالی عنه حضرت تزلدن
ایشتم که قرآن کلام الله تعالیدر و غیر مخلوق در * سفیان
نوریدن روایت اولندی که اگر برکسسه قرآن مخلوق در دیرسه
کافر اولور بیوردی سنداتی ثقه دن اوله رق ابن عمر رضی الله
عنه دیدی که رسول الله صلی الله علیه وسلم حضرت تری بیوردی که
یقین حق زمانده بنم امتلریمه بر زمان کلور که قرآن مخلوق در دیرلر
اکر سزلدن برکسسه اول زمانه قالورسه انلر ایله بحث
و محالست ایتمک زیرا انلر کافر لدر و جنته دخول ایتمزلر
و رایحه سنی دخی شم ایتمزلر و ثابت بنانی بیوردی که بو حدیث
شریفی ایشتمدیکمز وقتده اجلاندن دیرلر یز طوتمز اولدی
وا کر برکسسه قرآن مخلوق در یو خسه غیر مخلوق در دیو توقف
ایدرسه اول کسسه مخلوق اعتقاد ایدن کسسه دن اشد در *
بو توقف ایدن کسسه نک مثالی نصاری مثل لودر * زیرا نصاری
اوج فرقه یه افتراق ایتدیلر * بر فرقه سی حضرت عیسی ای حیاء
اموات ایدر کوردلر حیاء اموات اللهک صقتیدر بزلر اله دیرن

دیدیلر* وایکنجی فرقه سی بزله حضرت عیسیایی عبودیت ایله
 کوردک بزله عبددیرز دیدیلر* و اوچنجی فرقه سی بزله حضرت
 عیساده الوهیت صفی و دخی عبودیت صفی کوردک بزله توقف
 ایدر ز دیدیلر و بوقرآن کریمک مخلوقیتنده و غیر مخلوقیتنده توقف
 ایدن کسمنه بونصارا نك اوچنجی فرقه سی منالودر* و دخی
 واجب تعالی حضرت آدمک زماندن محمد صلی الله علیه وسلم
 حضرت تله نك زمانته قدر انزال ییوردیغی کتب یوزدرت کابدر
 جیعیسی کلام الله تعالی درو غیر مخلوق قدر و بعض روایتده کعب
 الاحباردن روایت اواندیکه واجب تعالی قرق صحیفه شیت
 علیه السلامه و او توز صحیفه ادریس علیه السلامه و یکریمی
 صحیفه ابراهیم علیه السلامه و اون صحیفه تور اتدن مقدم موسی
 علیه السلامه بعده تورانی موسی علیه السلامه و زبوری داود
 علیه السلامه و انجیلی عیسی علیه السلامه و فرقانی محمد صلی الله
 علیه وسلم حضرت تله نك انزال ییوردی و بو کتیبک جیعیسی
 کلام الله درو واجب تعالینک صفاتیدر و غیر مخلوق در و اکر
 برکسمنه برکلمه سنی مخلوق در دیرسه کافر بالله در جهنمی و معتزلی
 تسبیحه اولنور و کفر نده شک یوقدر و مبتدع در

اون اوچنجی مسئله

مؤمن اولان کسمنه به واجب اولان عذاب قبری حق ییلمک در و اکر
 برکسمنه عذاب قبری انکار ایدر ایسه ضال و مبتدع در و معتزلی در
 * زیرا رسول الله صلی الله علیه وسلم حضرت تله ییوردیکه
 (القبر روضة من ریاض الجنة او حفرة من حفر النار) یعنی
 قبر جنت باغچه لزندن بر باغچه در یا خود جهنم دره لزندن